

**BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKA ŽUPANIJA
GRAD MOSTAR
ODJEL ZA URBANIZAM I GRAĐENJE**

**Broj: 11-07-04-12173/21
Mostar, 13.09.2021. godine**

**GRAD MOSTAR
GRADONAČELNIK**

Predmet: Odgovor na vijećničko pitanje vijećnika Sanela Žuljevića

Poštovani,

Dostavljam Vam odgovor na vijećničko pitanje postavljeno na 10. sjednici Gradskog vijeća Grada Mostara od 31.08.2021.g., a koje se odnosi na dostavu zvaničnih odgovora na sva vijećnička pitanja i inicijative koje je vijećnik postavio od početka saziva Gradskog vijeća Grada Mostara

-Vijećnička pitanja s 3.sjednice Gradskog vijeća Grada Mostara od 23.03.2021.g :

1. „Koliko je u zadnjih 8 godina kako nemamo Gradsko vijeće (po godinama) uplaćeno na račun troškova za tehničke preglede objekata na području Grada Mostara, koliko je od toga isplaćeno članovima komisija, koliko je sredstava preostalo i šta je urađeno sa tim sredstvima?

Koliko je članovima komisija za tehničke preglede pojedinačno isplaćeno sredstava po godinama i po kojem kriteriju?“

- Odgovor:

Odjel za urbanizam i građenje ne vodi evidenciju o uplatama na ime tehničkih pregleda građevina.

Sva uplaćena sredstva evidentiraju se u Odjelu za financije i nekretnine, po dostavljenim Zaključcima o troškovima vršenja tehničkih pregleda.

Bez dokaza o izvršenoj uplati, Odjel ne izdaje odobrenje za uporabu objekta, a troškove snosi stranka – podnositelj zahtjeva.

Evidenciju koliko je kojem članu Povjerenstva isplaćeno na ime naknade za sudjelovanje u radu Povjerenstva za tehnički prijem građevine, ovaj Odjel ne vodi.

Naknade se obračunavaju u skladu s Pravilnikom o tehničkom pregledu građevine („Sl. glasnik Grada Mostara“ br.10/17) i Naputkom za obračun naknada za izvršeni tehnički pregled građevine („Sl. glasnik Grada Mostara“ br. 8/18).

2. „Da li Grad Mostar ima plan o demoliciji ruševina u Titovoj ulici, te ako ima da ga dostavi, a ako nema, šta je razlog da isti zadnjih 20 godina nije napravljen“

-Odgovor:

Grad nije izradio plan demolicije ruševina u Titovoj ulici. Za pojedinačne objekte koji predstavljaju opasnost za ljude i imovinu, su urađeni projekti sanacije – zaštite. Navedeni lokalitet je u zaštićenoj zoni (I i II zona) UNESCO-a, a nisu riješeni ni imovinsko-pravni odnosi za većinu objekata.

-Vijećnička inicijativa s 5.sjednice Gradskog vijeća Grada Mostara od 11.05.2021.g :

1., „Na zahtjev građana naselja Opine i Kočine, podnosim inicijativu za postavljanje zaštitne ograde odnosno bankine na lokaciji Opine-Riječevci, tačnije na putu koji vodi prema kuli Werk 9 u dužini cca.200 metara“

-Odgovor:

Za postavljanje zaštitne ograde, potrebno je osigurati sredstva u Proračunu Grada Mostara, da bi se pokrenuo postupak izrade projektne dokumentacije, te izvođenje radova.

-Vijećničko pitanje s 8.sjednice Gradskog vijeća Grada Mostara od 29.06.2021.g :

1., „Molim da mi se dostavi informacija da li Grad Mostar ima podatak koliko je ukupno stanova dograđeno na mansardama postojećih zgrada, koliko tih stanova nema suglasnost stanara, koliko nema dozvolu za gradnju i koliko nema odobrenje statičara za dogradnju i šta Grad Mostar planira poduzeti u vezi ovoga?“

-Odgovor:

Odjel za urbanizam i građenje nema evidenciju dograđenih mansardnih stanova. U postupcima pred nadležnim tijelom, za pozitivno riješene zahtjeve, dokumentacija je bila kompletna po važećim propisima.

S poštovanjem!

Dostaviti:

1. Gradonačelniku
2. a/a



Načelnica

Marina Deronjić



Tajništvo/Sekretariat
Hercegovačko-neretvanska županija Hercegovačko-neretvanski kanton
Federacija Bosne i Hercegovine
Bosna i Hercegovina

Dj. broj: 02-04-12173/21-2
Mostar, 03.09.2021. godine

Grad Mostar
Odjel za organizaciju, pravne poslove,
opću upravu, civilnu zaštitu i vatrogastvo
n/r načelnika Predraga Šupljeglava

Odjel za financije i nekretnine
n/r šefa Amera Zubčevića

Odjel za urbanizam i građenje
n/r načelnice Marine Deronjić

Odjel za gospodarstvo komunalne
i inspekcijske poslove
n/r. načelnice Amire Trbonja

Odjel za društvene djelatnosti
n/r. načelnika Božo Ćorić

Poštovani,

u privitku akta dostavljamo Vam vijećničko pitanje, koje je na 10.sjednici Gradskog vijeća Grada Mostara od 31.08.2021.godine postavio vijećnik Sanel Žuljević.

Sukladno gore navedenom, te imajući u vidu nadležnost Vaših odjela tražimo hitnost u postupanju istih.

S poštovanjem,

GLAVNA SAVJETNICA

J. Berić
Radmila Komadina

Dostaviti:

1. naslovu x5
2. Tajništvu Gradonačelnika
3. arhivi

(molimo Vas da ovaj obrazac popunjavate štampano i čitko)

VIJEĆNIČKO PITANJE

koje se postavlja na osnovu člana 187. stav 1. i 2. Poslovnika Gradskog vijeća Grada Mostara na 10.sjednici održanoj 31.08.2021.

Sanel Žuljević
Vijećnik - ime i prezime


Vijećničko pitanje:

Molim da mi se u roku od 30 dana dostave zvanični odgovori na sva vijećnička pitanja i inicijative koja sam postavio od početka ovog saziva Gradskog vijeća Grada Mostara.

Obrazloženje:

Do sada sam postavio 6 vijećničkih pitanja i 4 vijećničke inicijative, te dobio tri zvanična odgovora što smatram da je u najmanju ruku neodgovorno i neprofesionalno. Od zadnjeg pitanja je proteklo više od dva mjeseca.

Mostar, 30. 8.2021.godine


potpis